

¡BOMBA!

Será el 26 de julio
Tenochtitlan celebrada,
siete siglos de fundada,
si no la hunde un diluvio



K'untzil

Martes 1° de julio de 2025

CAMPECHE · YUCATÁN · QUINTANA ROO · AÑO 10 · NÚMERO 2510 · www.lajornadamaya.mx

República Dominicanae' ku k'áatik ti' UNESCO ka je'ets'ek sargazoe' najmal u séeb ts'aatáanta'al



República Dominicana tu ka' páayt'antaj Organización de Naciones Unidas para la Educación, la Ciencia y la Cultura (Unesco) ti'al ka'aj k'áata'ak ti' uláak' noj lu'umo'obe' ka u ciimpolto'ob sargazo beey jump'éel xchukul ba'al najmal u ts'aatáanta'al tumen yaan ba'al u yil yéetel yóok'ol kaab, taak'in yéetel toj óolal tu baantail Caribe, beey tu ya'alaj le lunes máaniko' ti' jump'éel k'a'aytajil ts'iib jóok'sa'ab tumen u jaats meyaj dominicanoil máako'ob tu táan ONU.

"Kjálal ja'o'obe', u ya'abil u noj lu'umilo'ob Caribe', táan u máansiko'ob talamilo'ob yóok'olal le xiiwo', ts'o'oke' tu bin u mantats'tal, yéetel yaan k'iine' ku

máan ti' u millonesil toneladas. Le ba'ax ku k'askúuntiko', séeb u yila'al: ku yantal sajbe'entsil ti'al kuxtal yaan ich ja', u toj óolal wiinik yéetel uláak' meyaj'ob je'el bix turismo, beyxan chuk kay", tu ya'alaj máax chiikbesik dominicana meyaj úuchik u taakpajal beey Estado miembro de la Comisión Oceanográfica Intergubernamental (COI).

Sargazoe' táan u bin u ya'abtal, ts'o'oke' ma' jump'éel ba'al chéen wa jayp'éel k'iino'ob ku yantali', tumen mantats' beyo', República Dominicanae' tu k'áataj ka' taakbesa'ak xiiw ichil ba'axo'ob najmal u ts'aatáanta'al ti'al u científico xak'alta'al, ti'al ka yanak múul meyaj

yéetel ti'al ka múul je'ets'ek ba'alo'ob tumen noj lu'umo'ob.

Noj lu'ume' tu tsolaje', yaan jayp'éel ba'alo'ob táan u meyajtik República Dominicana ti'al u tselik sargazo, je'el bix u kaláantik u 30% k'áak'náab, u yantal jump'éel nu'ukbesaj ti'al u yutsil k'a'abéetkunsal u ja'il k'áak'náab, yéetel jump'éel plataforma tu'ux yaan jejeláas datos yóok'olal k'áak'náab uts u ti'al chuk kayo'ob, ajxak'al máako'ob yéetel máaxo'ob meyajtik turismo.

Beyxan, tu ch'a'achibtaj meyaj ku beeta'al ti'al u jóok'sa'al jump'éel manual yóok'olal u infraestructurasil le jáal ja'o' yóok'olal ba'ax táan u yúuchul

yéetel cambio climático, tu'ux taakbesa'an xan uláak' meyaj'ob ku beeta'al yóok'olal acuicultura sostenible yéetel chuk kay tu'ux ka kaláanta'ak yóok'ol kaab, beyxan meyaj táantik ts'a'abal k'ajóoltbil ku k'aaba'tik Cátedra UNESCO de Cambio Climático, Resiliencia y Sistemas Complejos tu noj najil xook Universidad INTEC.

Tu tse'ekil Conferencia de Naciones Unidas sobre los Océanos (UNOC3) beeta'ab tu kaajil Niza (Francia), ts'o'okili' u t'aan jala'ach Luis Abinader ti'al u ya'alik u xchukulil noj lu'um ti'al u ts'aatáantik ba'ax ku yúuchul yéetel sargazo, beyxan ti'al u chiimpolta'al beey emergencia.